

أنخاك وطبعك وفأي **طمّني ياساقي الماي**
يابو الفضل ياعباس **يابو الفضل ياعباس**

* * * *

أقسّم عليك بأملك المفجوعه
يابو الفضل وقلبي صلب ادموعه
تشفى صغيري من الألم واللوعه
سالم أريده وخاطري برجوعه

ارحم دليلي المهموم **حاير وجافاني النوم**
وارحم لهيب الأنفاس **يابو الفضل ياعباس**

* * * *

يا راوي اقلوب النساء والاطفال
دمع الجفن يابو الفضل دم سيال
باسمك عقدت النية ويا الأمال
داوي فواده وأننت أعلم بالحوال

ماعندي غيرك سلوه **يابو الوفا والنخوه**
راعي الفخر والنوماس **يابو الفضل ياعباس**

* * * *

حزني مثل زينب لفيئت وأنخاك
يابو الفضل وبحيرتني أترجباك
أقسّم عليك بيمينتك وبيسراك
لا ما تردني - يلصميه - حشاك

أقسّم عليك بحيدر **وبحق علي الأكبر**
ياجمره وما تنداس **يابو الفضل ياعباس**

* * * *

يللي بذل باسم الوفا مجهوده
وتالي على الشاطي تهاوى بجوده
روحي الك يابو الفضل مموده
والنيه لجاك بالأمل معقوده

حاشا تخيب ظني **وكل غايتي تشمّني**
بالرحمه ياراعي الباس **يابو الفضل ياعباس**

أنخاك وطبعك وفأي
يا ابو الفضل يا عباس

* * * *

ياللي انسفك دمه وهوى بالصارم
لجلك يبو الغيرة ويصفوة هاشم
انذر صغيري لو يرد لي سالم
خادم إلك طول العمر بس خادم
ويبقى بسجلّ الخدام في دفترك يا ضرغام
والخدمه تاج اعلى الراس يا ابو الفضل يا عباس

* * * *

مثل الرضيع اوليدي غارت عينه
وجمر الألم في قلبه مثل سكينه
بح صوته حسره واكتفى بونينه
وكل خاطري سالم ترده لينه
هذا الوجع دونته وياب الحوايج انته
وكلك شهامة وإحساس يا ابو الفضل يا عباس

* * * *

يا وافي عهدك وانت راعي الشيمه
روحى حزينه وبالألم مضرومه
هذا الوعد يا ابو الفضل حل يومه
طمن فؤادي وزيل عنه همومه
طفي لهيب الوجدان وطمني يا عالي الشأن
يا أعلى من كل الناس يا ابو الفضل يا عباس

* * * *

أقسم عليك بجودك وسهم العين
طمن فؤاد الوالده بجاه احسين
وبجاه زينب - يانفل - وام ابنتين
وفأي ندري وشيملك توفي الـدين
متعلقه روحى بيك وغاية مناها تفديك
وانت الحصن والمتراس يا ابو الفضل يا عباس